

---

Ўзбекистон туманида экспорт салоҳиятига эга мева-сабзавот ва дуккакли маҳсулотларни қайта ишлаш қўшма корхонаси иш бошлади

Ўзбекистон туманидаги “Жонобод” маҳалла фуқаролар йиғинида тожикистонлик ишбилармонлар билан ҳамкорликдаги “Аroma fruct” МЧЖ қўшма корхонаси ишга тушди.

1,5 миллиард сўм қийматга эга янги лойиҳа мева-сабзавот ва дуккакли маҳсулотларни қайта ишлашга ихтисослашган.

Йилига 2,5 миллион долларлик маҳсулот экспорт қилиш салоҳиятига эга корхонага Туркиядан 27 минг АҚШ доллари қийматидаги замонавий ускуналар олиб келиб ўрнатилди.

- Шу кунларда корхонамизда кунига 3 тоннагача маҳсулотни қайта ишлаб чиқаряпмиз. Имзоланган экспорт шартномаларига кўра дастлабки маҳсулотларимизни Россия ва Туркия давлатларига йўналтиришни бошладик. Кейинчалик экспорт географиясини янада кенгайтириш бўйича аниқ режаларимиз бор, - дейди корхонанинг 21 ёшли таъсисчиси Жамшидбек Шокиров. - Масканимизда бугун 40 нафарга яқин маҳалладошларимизни иш билан таъминладик ва келажакда фаолиятимизни янада кенгайтириш орқали бу рақамлар сони ҳам ортиб боради.

Янги қўшма корхонанинг очилишига бағишланган маросимда туман ҳокимининг ўринбосарлари Абдулатиф Имомназаров ва Жахонгир Акрамов, жамоатчилик ҳамда нуронийлар иштирок этиб, ишлаб чиқариш жараёни билан танишилди.

2024-10-10 16:24:45